

張
錦
撰

閑與軒遺稿

民國二十二年（一九三三）鉛印本

提要

張錦《閑與軒遺稿》

《閑與軒遺稿》，張錦撰，民國二十二年（一九三三）鉛印本。上海圖書館、復旦大學圖書館等有藏。上圖同時有民國三十二年（一九四三）鉛印本。封面由曹廣楨題簽，內有癸酉十月習叟題簽，前有陳三立題辭，癸酉上巳朱應徵叙。詩七十二首，詞六闋。集末附錄朱應徵所撰之《割臂事略》，另有王晉卿、湯壽朋等親朋晚輩誄辭若干，附《閑與軒遺稿校勘記》一份。

張錦（？——一九三二），又名麗芬，別號閑與山人，湖南長沙人。清末大臣、近代教育家張百熙次女，朱應徵室。七歲喪母，事父至孝。辛亥革命後，家道中落，其與夫君隱居上海，長齋奉佛。集中以月夕花朝之詠物詞，夢父、寄弟、思妹等思親之作爲多，作品純任自然，至情至性。詞六闋，《一剪梅·春感》《鷓鴣天·春愁》《畫堂春·春燕》《鷓鴣天·憶莊妹》《鷓鴣天·戊午溪橋春日》《生查子·庚申海上中秋》，清麗婉約。陳三立題其集曰：「悱惻而芬芳，蓋根仁孝之天性，寓興而出之，自有合於風人之旨也。」

癸酉十月

閑與軒遺稿

羽衣



惻惻而芬芳蓋根仁孝之天性
寓興而出之自有合於風人之旨也
癸酉九月日匡山抵金陵假道北
行倚裝綴數語以志欽挹散原老人
陳三立時年八十有一



敘

風雅亡而古詩作降而近體而長短句駸駸乎去古遠而
所詣殊焉要皆不離乎風人騷客假物攄抱之辭積于中
者形于外歌之誦之輒能移風佐化有不容廢者一時盛
衰之蹟概可見已內子張別號閑與山人歸于余三十載
矣居平閒暇偶資吟詠自娛當夫月夕花晨卽景思舊常
出至性至情流露不自覺如夢父夢君姑寄弟思姊哭妹
諸作何莫非天真使然贈余者再期益肫切蓋其精誠所
結流俗難闕二十年來隨余奔走無定不免感慨繁興播
之篇章何忍卒讀然讀君之詩者可以見盛衰之蹟也君
今逝矣余慟曷禁搜求遺囊得詩七十二首長短句六闕

都爲一卷名曰閑與軒遺稿存碩果而想其失也編成和
淚識之癸酉上巳朱應徵敍

閑與軒遺稿

長沙歸沛郡張錦麗芬撰

春柳和適李三妹原韻

晚色初晴上柳條不知誰瘦小蠻腰數聲嗁鳥驚新夢羅
帳雙分又一朝

芍藥

閒亭小院日初斜芍藥新開雨後華不羨牡丹誇國色香
清粉淡自成家

寄莊妹

柳綠桃紅歲又新流光容易送殘春同枝花萼分南北圓
月西樓望幾巡

對花

千枝萬蕊鬪芳芬
百鳥爭喧報曉曛
寄語世人須著意
江山容易換風雲

感時

愁對窗前解語花
酒尊詩卷作生涯
柴門靜掩人誰問
蓬島尋游路更賒
舊日樓臺成夢想
連朝風雨斂容華
迷津欲訪桃源洞
知在山中第幾家

寄十三弟

休將人物感江山
回首前游若夢間
塵莽不知誰是主
天公何事喜循環

南粵歸來十六年
蕭條家國幾番遷
而今陟岵懷先德

儒素清風望弟傳

贈外子

偃蹇熏籠五載偎惜君憔悴羨君才惟思
祖德傳餘蔭
定效姜公坐釣臺

月夜

閒坐幽窗思悄然青鐙看盡未成眠
星沉月上何人共露
滴羣芳朵朵鮮

玉漏迢迢夜色明隔房猶聽小兒聲
清香一柱酬天闕祈
保平安易養成

熏籠斜倚問冰輪天下知音有幾人
低囑百花休笑我願
同松柏慶長春

四月六日歸梅墅見薔薇盛開喜作

宮鞦斜踏短牆東
滿架薔薇映日紅
瀟灑風流嬌欲語
黃鶯偷看立梧桐

題美人畫幅

嫋嫋婷婷倚畫廊
錦屏風度綺羅香
顰眉低首珠簾卷
一曲簫聲引鳳凰

一片波光透夕陽
水亭長夏自清涼
花前獨坐銷魂處
猶帶愁痕掩淡妝

陰雨

陰雨連朝未解醒
廊前燕子夢無聲
綠窗靜倚寒仍重
風起羅衣特地輕

夏日感懷示外子

隔窗鳥語帶愁聞
清露看花曙色曛
目送芳塵何處去
嗟予惆悵緒紛紛

自愧難躋儉與仁
光陰回首卅三春
行雲未必忘歸路
誰慰吾君病復貧

庚兒死十年矣哭之

山居無事獨徘徊
離恨傷心百念灰
愁裏不堪過十載
相逢除向夢中猜

午日山中卽事

光陰容易又端陽
檻外榴花欲吐芳
多事鄰家小兒女
幾枝偷折助新妝

枝頭嘯鳥喚花醒
習習清香繞畫屏
心事不堪重說起
莫教流水逐浮萍

錦香繚繞暗生羞
一陣歡娛一陣愁
不耐深情誰過聽
者番飄蕩自悠悠

天涯底事夢還醒
贏得名花供膽瓶
長夏清和人意懶
坐看兒女撲流螢

晚晴

乍晴風暖晚煙斜
睡眼新看雨後花
迷蝶不尋芳草地
蟲聲頻透綠窗紗

霎時又雨晚寒侵
窗外殘雲夢未尋
飛鳥有巢歸不得
祇將愁緒託花心

無限牢愁底許來年華易改鬢相催羣枝競秀花堪笑微
月朦朧照綠苔

憶舊

十九年餘別帝京那堪回首幼時情重門深鎖春誰主更
惻惻椿庭涕淚盈

前塵行卷復何存楚些難招節烈魂到處繁華爭勝負模
糊舊事怕重論

秋夜清潭歸途卽事

波光斜映月華明遠樹迷山蜨夢驚萬籟無聲增百感荷
花先老不勝情

月夜

一鉤新月挂朱樓無限相思別樣秋堪笑西風太漂泊蓮花又落楚江頭

小窗

小窗溶月吐殘霞閒卷珠簾笑柳斜蓮露涼天清似水陰懷重託玉蘭花

對雪

一番清冷一番愁惱亂心情百事休回首嶺南無限憾雪中花影自含羞

萬里孤雲疊疊生乾坤獨似粉妝成耐寒綠萼開顏笑廊外瓊飛勝水晶

風樹蕭蕭暮色遮人生如夢漫喧譁羨他玉骨承春寵愧

我無情對歲華

觀梅

曉霜初勁報曉雅人世蒼茫似隔紗
梅占春魁多喜色盈
盈笑對柳枝斜

朔風昨夜釀清涼
縞袂新添自在妝
多少柔魂關不住
一庭殘雪暗聞香

冷意空濛透遠峯
仙人鶴筆映孤松
歲寒才見玲瓏骨
花萼交菲淡淡容

春感

燕忙鶯懶閉柴門
柳絮飛迴帶雪痕
睡起不知春又半
芳菲零落暗銷魂

丁巳夏夜來香死弔之

去年今日倚雲栽
庭院香風陣陣來
誰道芳魂從此別
靜中涼月怕登臺

丁巳六月夢 君姑有感

哀哀窀穸奉安初
訣別慈容半載餘
昨夜夢中猶共語
漫天何處侍清虛

蓮

山抹微雲半掩門
波平風定漸黃昏
臨流欲問真消息
疊疊紅衣護野邨

見蓮花落

野塘花落水光浮
夜漏迢迢欲感秋
兩岸垂楊風不定
涼

雲遮月幾分愁

答外子秋夜感占原韻

海棠無語颺朱樓
瀟灑嫣然若笑秋
故國有恩留北闕
前游如夢付東流
壺中歲月成閒度
鏡裏聲華入醉休
日色幾分憑照耀
時來風送任君由

秋晴

波光回照夕陽斜
閒聽兒童笑語譁
饒得西風傳信蚤
交秋晴定喜農家

送莊妹還汴

春暮歸甯日相將
契闊傾七年重聚首
萬里計行程不盡
滄桑感同深手足
情今朝又分別
楓葉下湘城

天涯別憾動淒涼似夢如醒欲斷腸從此相思何日解洞
庭波裏瞰秋光

小窗對景更添愁靜夜西風靜夜秋明月樓前消幾許空
餘蘆荻鬧江頭

春日晚晴

殘妝初卸人微勸山外煙沈雨乍晴閒倚闌干數花朵晚
風吹送一聲鶯

羣花無語各芬芳風景催人歲月忙頻囑小亭雙燕子不
須惆悵話雕梁

春晝

畫堂幽靜蒜垂銀百鳥聲聲報好春行到花陰一含笑樓

頭楊柳點煙頻

春風

春風綠盡池邊草
流水無情也帶愁
楊柳低垂殘夢醒
花開含笑亦含羞

觀釣

青草池邊看釣魚
夕陽籠照錦屏虛
漫山桃李嬌無語
紫蜨風前舞自如

春雨

煙雨溟濛暮色迷
竹枝無力倚牆低
名花香意應遲倦
鳥回巢待曉啼

淞濱晚眺

午睡初醒又晚晴游絲一寸繫紅英綠波新漲瀟湘水天際孤帆幾日程

客樓坐雨

濛濛細雨點蒼苔春樹含愁瘴未開眉黛柳梢同不展困人天氣獨徘徊

花影

羣芳含笑復含顰做出清陰別有春迷蜨有情應誤采月來雲破假成真

雨後

西園今日百花開雨過無聲爲洗埃獨有海棠新睡足胭脂新扮晚妝來

春日思鄉

湘江回首碧波輕
春到羣芳淑氣呈
日月那堪愁共照
滿懷無限故鄉情

己未三月十七夜夢 父有感

夢中侍坐敘天倫
回憶當年訓語親
窗外一聲雞報曉
醒來猶自淚沾巾

春莫思姊

籠明斜日照垂楊
粉蝶雙雙度畫廊
姊妹離愁渾不解
一回搔首一思量

送春

春歸何處了無痕
一架茶蘼靜掩門
杜宇聲聲嗁不盡
最

閑與軒遺稿

愁人是近黃昏

哭莊妹四首

傷心斲臂哭天涯
環珮空歸楚水湄
阿姊書來怕重讀
夢中猶似說傳疑

劇憐吾妹正華年
夫壻君姑悵各天
不道歸寧纔一載
積憂成疾竟身捐

姊妹行間手足情
歲逢壬子哭阿兄
六人存者今惟四
忍聽雲天旅雁聲

客居聞赴更淒涼
別後心情淚暗傷
怕憶殘冬風雪夜
病中哀語對扶牀

戊午歲晚寒雪感賦

烽煙城闕兆民哀
今日驚聞臘鼓催
零落異鄉春又近
湘江回首寸心灰
大地河山冷淡妝
臘梅猶自伴清狂
匆匆檢點年邊事
沽酒無妨典鷓鴣

立春日大雪

漫天飛雪漾窗紗
點綴寒林玉有花
庭院無聲春自懶
梅枝橫瘦竹枝斜

次日又雪

春風吹送玉無瑕
點點輕輕灑碧紗
極目長空真一色
故鄉如夢隔天涯

雨中觀梅

寒風吹雨洗莓苔
閉戶閒看餞臘梅
更喜水仙同皎潔
韶光特地倩花催

初春

百花如笑自精神
海上樓臺別有春
客舍怕聽枝上鳥
新聲喚起未歸人

苦雨

乍驚春色到江樓
何事沈霾雨未收
淑氣寒威爭不了
聲猶帶去年愁

春日

玉骨傲梅枝
寒襟笑共支
綺窗風揭幌
苔砌雨凝脂
萬象回春氣
三生憶舊姿
不堪心緒惡
相對網蛛絲

附錄長短句六闕

一翦梅

春感

芳草萋萋繆綠苔怕染塵埃猶帶塵埃一雙新燕故飛迴
來也徘徊去也徘徊雲鬢蓬鬆墜玉釵纔理妝臺又倚
妝臺年年風景爲誰催故我疑猜今我疑猜

鷓鴣天

春愁

遠客離愁怕倚闌雨中無計避春寒故園今日休回首柳
墜柔絲不忍看拋歲月感雲山可曾芳草綠湖南金尊
空向花前醉風景催人又一番

畫堂春

春燕

東風吹醉滿園芳
綠窗簾卷斜陽
一雙新燕去來忙
細語
暄涼
尋伴渾身杏雨
安巢一嘴
芹香似曾相識到華堂
棲穩雕梁

鷓鴣天

憶莊妹

冷落天涯信渺聞
最愁人處近黃昏
一簾花月侵春夢
萬
里關山斷客魂
情切切病沈沈
清宵蓮漏不堪聽
憐佗
好夢成吳越
忍見羅衫溼淚痕

浣溪紗

戊午谿橋春日

春日遲遲影欲斜
芳陰移過碧幃紗
東風吹上野蘭花
胡蝶一雙忙點綴
燕兒終日語誼譁
小窗新試雨前茶

生查子

庚申海上中秋

去年明月光寫出
中秋景海上氣清高
尊酒團樂慶
今年明月光偏爲
中秋隱無復舊時情
滿目瘡痍憾

附錄
輿地通志附錄

十一

附錄割臂事略

淑人姓張氏長沙諡文達諱百熙公次女生有至性七歲喪母事父至孝年甫笄歸應徵時先王父兩田公耄年健在淑人爲冢孫婦柔嘉婉婉竊竊賢之嘗當盛暑偶袒半臂剜痕斑然叩其故不言若不勝悽惋者固詰之始垂涕道曰曩歲吾父疾而病禱於神請代弗許則剗臂肉和藥進之病尋差賢哉斯非純孝所感歟王子冬徵居王父承重喪疾劇淑人百方揀療晨夕弗輟逾年病有閒忽見左臂又露創痕問之祕再問祇云冀君安耳毋佗顧念徵忤然久之而深服其德夫其精誠所結至自戕其肢體而不惜是誠難能也昔者先王母胡太夫人割臂療

閨里車道和陶錄

十二

先王父病曾以孝行請旌建專坊至今邦人士多能道之
淑人克踵遺型後先媲美詎可聽其潛德湮沒無聞用敢
略述梗概伏冀當代有道賜之誄銘俾光泉壤維矜鑒焉
朱應徵述

附錄誄辭

聯

其然道人

傷生慘別去何時歸自君先公召赴璫宮遂令憂病終身
丹乏回春承孝思

我慚繩武未從心

刲臂深恩今安圖報料吾王母晤言金闕應歎後先符節
女適張永資

唯母健旺過人撒手遽分離適君姑自北言遠忍侍寒暄
語親切

到彌留

于女愛憐殊衆傷心一回憶絲襪襟及笄多病苦塵縣罍

女瑩白

時服務上海女子銀行

得緘電趕歸侍疾五晝苦顏猶在目唯佛能知酸楚幢引
多方獨悲父老家貧季妹沖齡太癡弱

差慰從此客情鄉夢淞雲湘水失瞻依

記烽煙倉促送別初春分手最傷心囑兒時寄好音旌懷

女遇鴻

十三年膝下瞻依未離形景況徧憐最小視越掌珠朝露
遽興悲寸草春暉終莫報

正垂老望廬入室更何堪

廿五日榻前侍奉靡間晨昏迺一念無生身登蓮寶靈椿

媳楊氏

翳我父母今隔吾鄉憐女兒慟失君姑噩耗驚心增遠慮
歸侍晨昏未及半載苦夫壻蔭凋萱草阿翁皤髮更難堪

子壻張孝緒

爲韓戚相攸頻年貳室忝居新特舊姻情倍摯
隨袁黃禮佛此日西天歸去拈花含笑意如何

姪張孝筠孝敏

五十年石火電光禪制毒龍夢醒塵世
廿餘日藥爐茶竈方窮扁鵲路隔人天

總服夫弟慶鎮姪鎔塤等

世家大族產賢姝最難孝父教夫兩番曾經割臂事

殘雪年光催臘鼓從此因風詠絮一堂頓失解闌人

總服夫弟慶源慶年

瞬經世變五旬中閬孟光賢刲臂共飲當日事
歿距歲除一夕從兄潘岳痛遣辭難慰悼亡情

總服夫弟慶輝慶觥

祇因亂世共離鄉避氛還楚因事返申不料九秋成永訣
慘切吾兄夢炊臼參朮無靈蒺藜竟困思量百感怎忘懷

如妹陳慧君

居妯娌選開姊妹花朝相見莫相依義敘桃園君最長
憶竹林游隔芙蓉路喚不磨思不盡春來庭樹我何堪

姻愚娣李陳偉

元公難遣悲懷爆竹桃符不成春色

謝女偏憐最小姻親骨肉怕聽令丁

姻侍生楊青菴

爲名門女爲名門妻兩番割股療沈疴事父事夫往古來
今無匹敵

海任逍遙

結百年盟結百年壽一德同心備全福成僊成佛西池南
表兄胡道峯率男正淳

淑德出名門相夫子敬順多能元女太姬眞內主
舊姻辱高誼望中表情懷自遣種花潘岳已衰年

文世昌

割臂揀父更活所天誠孝尤難能況與祖慈同一轍
仁心濟人无忤于世旌揚起潛德待編烈女式千秋

鄭遇菴

惟大悟乃憺塵勞飽看桑海終成定
以小道得親夫子嘗謁慈暉幸有緣

王晉卿

積年海上隱鴻光蚤春還里哲嗣完婚助向子平了償心
願

僊

殘臘湘城催鶴馭大衍齡臻小除節屆正魏夫人修到神

湯壽彭

名門內傳播徽音過從幾番親稔知北閣賢能嘉偶定價
偕老願

大羅天

末劫時脫離塵網皈依欣有託料得西方接引靈魂應赴

妹聳李庸

割臂爲末俗所難事父事夫霖墅家傳惟孝友

舉案忍中途相別營齋營奠谿橋月夜聞珮環

侍生黃石逸

事父事夫刲臂兩番賢孝傳

營齋營奠闕絃中道鷓鴣詞

姻晚曹典球

刳臂兩番至性至情人紀立

歸真除歲營齋營奠鼓盆哀

曹伯聞

末俗視所生所天無足重輕看此種熱血赤誠於名教綱
常何等關繫

體弗敢毀傷

自古惟愚孝愚忠真不可及莫更作違心苛論謂髮膚身

龔弼新

前身本天女維摩遙知紫府仙人遊戲塵寰原過客
羽化值殘冬風雪太息梅花清夢淒涼憑弔有逋僊

邱縉

三十載支持閭政無媿女君正欣萱樹溫和養志有佳兒
佳婦

營齋

一霎時解脫塵緣皈依我佛贏得藁砧健在銜悲與營奠

曾鶴松

半百華年齊眉夫婦生同歲合大衍數預祝期頤尊酒尙
溫解脫拈花剛一笑

徹證明因果在雙修

三千世界極目婆婆死恨遲忽刹羅間從容撒手涅槃了

姻姪載若愚

時局正當艱老太君避桑變去矣

下情何以達予小子束芻儀奉之

姻愚姪常仞千

夙具善根頓脫塵寰歸極樂

咸欽孝行待看彤管表芳儀

張壽祺

自幼習岐黃垂老無成祖述學慚張仲景

歸真完太素回生乏術悼亡詞費潘安仁

世侍生徐璋

謙抑若鍾夫人巾佩南歸百歲共酬偕隱願
賢孝見劉三妹幢幡西去十方聞說報恩經

馮忠愷

濫竽南郭愧頻年側聞鴛侶相偕生天預證菩提果
雅什中郎勞遠矚詎料鸞箋未報悼亡先和爽來軒

葉之喬

屬余亦有妻喪忍痛含悲先七日
至性當爲天鑒割肱刲臂兩傷痕

馮國禧

爽來前歲讀佳章懸知金母木公歸命十方无量佛
羽化有懷悲達士此際烏啼月落怕聽一曲悼亡詞

侍生余

襄善傳

舉按有賢聲曾聞德曜能偕隱
孤鐙愴除夕忍使黃門賦悼亡

陳伯璠

易威九

生長富貴家
吟詠有遺詩
與謝道韞
千秋並美
遷居湘滬上
往來因避亂
隨梁伯鸞
五噫同歌

上林寺住持慈航率兩序

寶婺竟沈輝
果證菩提蟠
桃千歲開
春宴
琴絃今忽斷
臺空般若生
芻一束弔
湘靈

時中學校全體學生

雅化起菁莪
頌來文母徽
音翹首當年
遺澤遠
樗材資造就
愧正淮陰國
士撒手千金
報德難

愚姪女黃純中

潛德早傳徽
曾聞環佩名
家韻

時賢爭作誄足慰春暉寸草心

徐

楨

立

禮型守從父從夫禱疾兩留創要俾管彤箴薄俗
門戶付佳兒佳婦歸真復何憾祇傷頭白賦哀絃

戴承志

偕隱挽鹿車桓家令德垂青史

遊仙驂鳳馭潘岳華年感白頭

表姪戴惠君

凋殘椿樹感零丁痛同懷別無弟兄勉事慈闈供色笑
忝辱葭莩沾厚澤況令媛結爲姊妹此生何日報高深

姨外孫楊隆質

念姨姥當年割臂療父與夫孝敬極天宜享遐齡蘭桂福
痛祖慈去世傷心依松惟薦衣麻如雪那堪除夕雨風寒

世侍生王道純

以名臣女嬪學士門松柏本堅貞必待歲寒告凋謝
厭太平居遊極樂世桂蘭爭挺秀佇看日曝向榮開

姻世侍生王伯簪率姪甥家焱

大家名媛得耦朱門況兼夫壻溫恭子嗣自宜頭角露
亡弟重泉相逢崔嫂爲報慈親老健鰥孤無恙滬濱居

姍侍生楊城

向平夙願幸初完詎料彈指光陰蜀鵲忽叶巴臺血
莊叟悲歌同一痛從此傷心歲月吳鶴難招海市魂

侍生柳大柱

潛德隱彌彰化洽刑于垂老孟光猶舉案
婺星明忽暗人隨年去悼亡潘岳尙吟詩

侍生鄭沅

前身位業來仙闕

刲臂精誠格昊蒼

侍生余繩武

懿範女中師趨瞻尙憶申江浦

賢夫名下士感悼還同陳岱雲

姻世侍生左念康

事父孝揀夫賢刲臂格神明從知續命非俞扁

丁時艱襲世業含飴弄孫子始信成家賴郝鍾

蔚叟曹廣楨

割臂嗣徽音移極所天全孝敬

傷心讓事略重增伉儷見情文

通家侍生郭兆莘

曲江世第毓門楣割臂療父剜肉救夫大節炳彝倫豔說
紫陽賢眷屬

白首憫亡嗟

摩詰佛龕共燈火參上乘禪悟無生旨一朝悲失偶可堪

宗教哲學研究社

今古幾人傳割股救夫早有賢聲光梓里

死生原定數晚年聞道得邀普渡證菩提

姻世侍生楊宗

賜穀

與尊府累世通家徽音久彌仰猶幸阿姪子歸長承慈眷
羨淑媛稟賦仁孝臂痕竟袒露那知昊天不弔遽召斯人

愚晚劉振洛

刲臂若無心事父事夫道有是耳

白頭空有約營齋營奠靈其燁而

陳士鈞

夫壻以詩名料得悼亡多雅詠

淑人遺世慮從知證果卽長生

盛萬鈞

周麓秋

彈鋏我無能數十年南畝西疇甘雨頻沾慚莫報
乘鸞母何處二千里吳山楚水生芻一束愧來遲

姻侍生李鎔

黃浦灘頭曾避亂反受虛驚秋月賦歸來欣逢吉曜方臨
極目瀟湘成樂土

愴懷冰雪壓庭萱

紅杏邨中正惹愁忽傳噩耗春光增黯淡未獲束芻展敬
四妹

割臂豈真可回天兒女孤懷往事傷心成墮夢
衰門更所遭末造亂離滿目此生埋憾入重泉

世侍生張叔梅

至性難能禮文賢傳衷庸行

此情追憶潘賦元詩寫古哀

劉肇隅

朱母張夫人余門人保之主政之德配也方結婚時余
適館其家爲塾師忽焉三十餘年矣 夫人爲吾湘
楚秋尙書女 兩田閣學冢孫婦門第之盛豔極
一時逮國變後家亦落與夫偕隱海上長齋奉佛蕭
然一室安之若素辛未冬余五十有七生日保之具
膳滬寓爲壽 夫人出見白頭雙雙對侍不免盛衰
之感明年沒於湘赴至乃知其爲女曾割臂療父疾
而父愈及歸朱又割臂療夫沈痼夫以之起昔文正

閨里車馬和附錄

十二

挽陳岱雲之夫人云割臂豈初心是孝子忠臣莫可奈何之事今申其意以貽彤史

弱質於富貴貧賤死生患難備嘗獨完本來天性
創痕是孝子忠臣貞女烈婦苦蹟不圖再見人間

詩

慈命姪張孝桓孝徽孝維孝繩孝綽

風雨催殘夜中天失嫠明鄰閭同歎息詞賦爲哀榮
遺型在誰寬奉倩情九京如未暝能勿涕盈盈

割臂療親疾千秋孝行傳齋心歸淨土閱世慨桑田仁厚
宜膺福劬勤竟損年采風編烈女青簡姓名鐫

先王父文達

公疾篤時姑割臂和藥以奉

周增祜 時年八十有四

至德畸行大孝爲先氣塞蒼冥其淵其天萬福之原人倫之始 妣祖徽音似續媲美於鑠懿哉猷猷朱母事親事夫兩剋其肘孝奉天儀若日月光凡百士女監彼朱張末俗風頽平等自主勞燕分蜚徒自取苦猗歟淑媛來嬪名門詩禮秉訓道義爲根坤德婦道相範母儀成僊成佛僉曰咸宜旌靈顏齡頌茲碩德大衍令終光我民國藉甚二門流風遠尙嫻嫻其來慰君子望

閨中車馬行附錄

十三

閑與軒遺稿校勘記

二頁 十八行 涼誤涼

六頁 廿二行 畫誤畫

八頁 十四行 斷誤斷

九頁 十一行 兩誤兩

附錄誄詞

十三頁 十六行 瞻誤瞻

十五頁 十三行 无誤无

二十頁 十九行 悼誤惻

廿二頁 十一行 文正上落曾字

